


論孟人物類聚  
全











御定

論孟人物類聚

庚印



御定論孟人物類聚校正諸臣

校正

資憲大夫禮曹判書兼知經筵事奎章閣檢校直提學臣李晚秀

資憲大夫行大護軍臣朴準源

資憲大夫兵曹判書兼知經筵事臣金祖淳

嘉善大夫行成均館大司成兼同知經筵事臣南公轍

嘉善大夫吏曹參判兼同知經筵事臣尹行恁

通政大夫刑曹參議臣朴宗輔

通政大夫承政院同副承旨兼經筵參贊官春秋館修撰官奎章閣檢校直閣臣金近淳







御定論語人物類聚

有子

名若字子有魯人孔子弟子○爲人強識好古明習禮樂○哀公問年饑用不足請徹○孝弟爲仁之本○孔子沒弟子以有若狀似孔子共立爲師曾子曰江漢以濯之秋陽以暴之皜皜乎不可尚已

曾子

名參字子輿武城人孔子弟子○亞聖○敝衣躬耕受業孔門志存孝悌齊聘不就○日



三省○聞一貫之旨○啓手足○參也魯

子夏

姓卜名商衛人孔子弟子○雖曰未學吾必

謂之學矣吳氏

名棧字才老  
宋建安人

曰子夏之言其

意善矣然詞氣之間抑揚太過其流之弊將  
或至於廢學○問孝於孔子○義勝故肥

子禽

姓陳名亢陳人孔子弟子○或曰子貢之弟

子○問墨子以多言有益

子貢



姓端木名賜衛人孔子弟子○聞一知二○  
孔子以爲賜也可與言詩告諸往而知來者  
○問政○孔子以爲瑚璉○事孔子一年自  
以爲過孔子二年自謂與孔子同三年自知  
不及

### 孟懿子

名何忌魯大夫仲孫氏孟僖子之子○問孝  
於孔子

### 樊遲

名須字子遲樊皮之後魯人孔子弟子○問



知子曰務民之義敬鬼神而遠之問仁子曰  
先難而後獲○請學稼學圃○仕於季氏齊  
伐魯遲爲右

孟武

名蕘又名洩魯人懿子之子○問孝於孔子

子游

姓言名偃吳人孔子弟子○在聖門號爲習  
禮○問孝於孔子○爲武城宰得澹臺滅明

顏子

名回字子淵魯人亞聖孔子弟子○終日不



違如愚○三月不違仁○不遷怒不貳過○  
用則行舍則藏惟我與爾○喟然嘆夫子之  
道曰仰之彌高鑽之彌堅瞻之在前忽焉在  
後○問仁子曰克己復禮請問其目子告以  
四勿

仲由

字子路魯人

家語云  
弁人

孔子弟子○好勇然有

聞未之能行惟恐有聞○無宿諾○喜聞過  
○不恥弊袍

子張



姓顓孫名師陳人孔子弟子○學干祿○問  
明○美功不伐貴位不喜不侮不佚不傲無  
告○堂堂乎○既除喪與之琴彈之而成聲

魯哀公

早故短折曰哀

名蔣

史記作蔣

定公子

○十二年齊伐魯季氏用

冉有有功思孔子孔子自衛歸魯十五年使  
子服景伯子貢爲介適齊齊歸我侵地十六  
年孔子卒公有誅○公患三桓將欲因諸侯  
以劫之三桓亦患公作難故君臣多間及公  
如陘氏三桓攻公公奔衛後國人迎公復歸



季康子

名肥魯大夫桓子庶子

林放

魯人○問禮之本孔子稱之

冉有

名求字子有孔子弟子○季氏富於周公而  
爲之聚斂子曰非吾徒也小子鳴鼓而攻之  
○求也藝於從政乎何有

王孫賈

衛公族大夫○問媚奧媚竈



魯定公

大慮靜  
民曰定

名宋昭公弟○十年與齊景公會於夾谷及  
季桓子受齊女樂孔子去魯

宰予

字子我魯人孔子弟子○晝寢孔子曰朽木  
不可雕也糞土之牆不可朽也於予與何誅  
○欲短三年之喪○智足以知聖人

公冶長

名萇字子芝魯人一云齊人孔子弟子○爲  
人能忍耻孔子以其女妻之魯君爲大夫長



辭不受

## 南容

名縉又名适字子容謚敬叔孟僖子之子孟懿子之弟居南宮故稱南容○三復白圭孔子以兄之女妻之○世清不廢世濁不污孔子以爲異士

## 子賤

姓宓名不齊魯人孔子弟子○爲單父宰不下堂鳴琴而治○孔子稱君子

## 冉雍



字仲弓魯人孔子弟子○孔子言雍也可使  
南面○犁牛之子騂且角雖欲勿用山川其  
舍諸○爲季氏宰問政子曰先有司赦小過  
舉賢才

### 漆雕開

字子若蔡人一曰魯人孔子弟子○習尚書  
不樂仕○孔子使之仕對曰吾斯之未能信  
公西赤

公西赤姓赤名字子華魯人孔子弟子○孔子  
言赤可使與賓客言



申張

史記作申崇或作黨  
家語作申續或作績

張魯人孔子弟子○孔子言張好慾不剛

子產

名僑子國子鄭穆公孫○初季札聘於鄭見  
子產如舊相識與之縞帶謂子產曰鄭之執  
政侈難將至矣政必及子子爲政慎之以禮  
○爲相一年豎子不戲狎斑白不提挈僮子  
不犁畔二年市不豫賈三年門不夜關道不  
拾遺○都鄙有章上下有服田有封洫廬井  
有伍與人誦之曰我有子弟子產誨之我有



田疇子產殖之○然明請毀鄉校子產曰夫  
人朝夕退而游焉以議執政之善否其所善  
者吾則行之其所惡者吾則改之是吾師也  
若之何毀之仲尼間是語曰人謂子產不仁  
吾不信也○鑄刑書

晏平仲

名嬰齊之賢大夫也孔子稱善與人交久而  
敬之

臧文仲

姓臧孫名辰魯大夫居蔡山節藻梲



崔子

名杼齊大夫齊之逆臣

陳文子

名須無敬仲之後也有馬十乘棄而違之至於他邦

季文子

名行父季友之孫魯之元卿○三思而後行孔子聞之曰再斯可矣

甯武子

名俞莊子之子衛大夫○孔子謂其愚不可



及

微生高

魯人一名尾生高或乞鹽乞諸其隣而與之  
孔子譏之

子桑伯子

魯人不衣冠而處夫子譏其欲同人道於牛  
馬

原思

名憲宋人孔子弟子○孔子爲魯司寇時爲  
宰辭粟九百○貧而好道○孔子卒隱居于



衛

閔子騫

名損魯人孔子弟子○後母以蘆花衣之所  
生之子衣之以綿父命損御車體寒失鞠父  
責之損不自理父察知之欲出後母損曰母  
在一子寒母去三子單父遂止之後母改悔  
待三子如一○人無間於其父母昆弟之言  
○魯人爲長府曰不如仍舊○季氏欲爲費  
宰曰吾必在汶上

伯牛



姓冉名耕魯人孔子弟子○有惡疾孔子自牖執其手曰亡之命矣夫○以德行著名亞於顏閔故孔子尤痛惜之

### 澹臺滅明

字子羽武城人孔子弟子○狀貌甚醜夫子以爲材薄旣受業行不由徑南游至江弟子三百夫子曰以貌取人失之子羽

### 孟之反

名側魯大夫齊伐魯魯師奔孟之反後入爲殿抽矢策其馬曰馬不進也夫子稱其不伐



祝鮀

字子魚衛大夫有口才臯鼫之盟將長蔡於  
衛衛使祝鮀私問於萇弘周大夫乃長衛夫子  
謂之佞

宋朝

宋公子仕衛爲大夫有美色夫子謂之美

南子

衛靈公夫人有淫行靈公嘗與夜坐聞車聲  
至闕而止過闕復有聲夫人曰必蘧伯玉也  
○夫子至衛南子請見辭謝不得已而見之



子路不說夫子矢之曰予所否者天厭之天

葉公

沈諸梁字子高楚葉縣尹

僭稱公也

不知孔子聖

人問於子路子路不對

桓魋

姓向宋司馬出於桓公故又稱桓氏夫子適  
宋與弟子習禮大樹下魋欲殺孔子拔其樹  
夫子曰天生德於予桓魋其如予何

魯昭公

容儀恭  
美曰昭



名稠襄公子子野異母弟○初公年十九猶  
有童心穆叔不欲立曰年勻擇賢義勻則卜  
之今稠非適嗣且居喪意不在戚而有喜色  
若果立必爲季氏憂季武子不聽卒立之比  
及葬三易衰言嬉戲無度君子曰是不終也及朝  
晉至河晉平公謝還之魯恥焉○春鸛鵒來  
巢師己曰文成之世童謠曰鸛鵒來巢公在  
乾侯及季氏與郈氏作難公出奔如晉晉君  
乃止公乾侯

巫馬期



名施字子期魯人一云陳人孔子弟子○以  
陳司敗之言告孔子

孟敬子

名捷魯大夫仲孫氏○問曾子疾

師摯

一名乙魯樂師工琴又謂之琴摯孔子曰師  
摯之始洋洋乎盈耳哉

牢

姓琴字子開一字子張衛人孔子弟子○言  
孔子不試故藝



高柴

字子羔衛人一云齊人孔子弟子○足不履影啓蟄不殺方長不折行不徑不實親喪泣血三年不見齒

顏路

名無繇字齊一字季路顏子之父孔子始教於闕里路受學娶姜氏

伯魚

名鯉孔子之子○趨而過庭孔子曰汝爲周南召南乎



季子然

桓子之弟○問仲由冉求孔子曰具臣

曾皙

名點字子皙曾子之父孔子弟子○子路曾  
皙冉有公西華侍坐孔子使各言志子路率  
爾而對以爲千乘之國三年可使有勇且知  
方也夫子哂之求對以方五六七十里可使  
足民如其禮樂以俟君子赤對以宗廟之事  
如會同願爲小相點爾何如鼓瑟希鏗爾舍  
瑟而作對曰莫春者春服旣成冠者五六人



童者六七人浴乎沂風乎舞雩詠而歸孔子喟然嘆曰吾與點也

司馬牛

名犁一名耕字子牛向魍之弟孔子弟子○  
問仁於孔子

棘子成

衛大夫○疾時人文勝

齊景公

由義而  
濟曰景

名杵臼莊公弟○獵魯郊因入魯與晏嬰俱  
問魯禮○彗星見公坐栢寢嘆羣臣皆泣晏



子笑公怒晏子曰臣笑羣臣諛甚景公曰彗  
星出東北當齊分野寡人以爲憂晏子曰君  
高臺深池賦歛如不得刑罰恐弗勝第星將  
出彗星何懼乎公曰可禳否晏子曰使神可  
祝而來亦可禳而去也百姓苦怨以萬數而  
君令一人禳之安能勝衆口乎○與魯定公  
會夾谷時孔子相魯景公懼其霸方會令萊  
人爲樂孔子歷階上使有司執萊人斬之景  
公慙乃歸魯侵地

公子荊



一名南楚衛大夫年十五攝荆相事○善居室

裨諶

鄭大夫○謀於野則獲於國則否鄭國將有諸侯之事則使乘車以適野而謀作盟會之辭○初伯有之盟諶曰是盟也其與幾何詩曰君子屢盟亂是用長亂之道也必三年而後能紓然明曰政將焉往諶曰善之代不善天命也天禍鄭久矣其必使子產息之

世叔



名吉又曰子大叔以子游之孫以游爲氏鄭  
穆公之裔也○北宮文子稱美秀而文○公  
孫黑之難鄭放游楚於吳將行子南子產咨  
于大叔大叔曰吉不能亢身焉能亢宗彼國  
政也非私難也子圖鄭國利則行之又何疑  
焉周公殺管叔而蔡蔡叔夫豈不愛王室故  
也吉若獲戾子將行之何有於諸游○子產  
卒世叔爲政

子羽

名揮鄭穆公子○北宮文子過鄭子羽爲行



人文子曰公孫揮能知四國之爲而辨於其  
大夫之族姓班位貴賤能否而又善爲辭令  
子西

楚公子申平王庶長也能遜楚國立昭王而  
改紀其政亦賢大夫也然不革僭王之號沮  
孔子不用召白公致亂朱子非之

### 孟公綽

魯大夫廉靜寡欲短於才者也○爲趙魏老  
則優

### 臧武仲



名紇文仲之孫宣叔之子魯大夫也短小多  
智時號爲聖人

卞莊子

魯大夫曹叔振鐸之後性好勇嘗刺虎管豎  
子止之曰兩虎方食牛牛甘必爭鬪則大者  
傷小者亡從傷而刺一舉必有兩獲莊子然  
之果獲二虎

公明賈

衛人○言公叔文子時然後言

公叔文子



衛大夫公孫枝也獻公後三年季札見文子  
說之曰衛多君子○文子爲大令尹民無敢  
入朝

仲叔圉

卽孔文子衛大夫之賢者也

衛靈公

名元襄公子○初襄公有妾幸之有身夢有  
人謂曰我康叔也令若子必有衛名而子曰  
元妾怪之以告襄公襄公曰天所置也

陳成子

一云  
文子



名恒齊大夫陳完之後也弑簡公孔子沐浴

請討

齊簡公

平易不訾曰簡

名壬悼公子○初公在魯闕止有寵及卽位使爲政田成子憚之驟顧於朝御鞅言於公曰田闕不可並也君其擇焉公弗聽及成子執簡公于徐州公曰余蚤從御鞅言不及此

蘧伯玉

名瑗衛大夫之賢者也○孔子居衛主於瑗○五十知四十九年之非



微生卣

微生姓卣名魯武城人

公伯寮

魯人史記曰申繆字子周○愬子路於季孫

子服景伯

名何子服氏景謚伯字魯大夫昭伯回子也

原壤

孔子之故人周文王第十六子原伯之後也

○孔子以杖叩其脛

史魚



史官名魚字名魴衛大夫孔子稱其直

師冕

師樂師瞽者冕名

陽貨

名虎季氏家臣○歸孔子豚

公山弗擾

一名不狃字子泄季氏家臣與陽虎共執桓  
子據邑以反

佛肸

晉大夫趙氏之中牟宰也中行氏代中牟佛



肝反使人召孔子

孺悲

魯人哀公使孺悲之孔子學士相禮

季桓子

魯大夫名斯平子意如之子

接輿

姓陸名通接輿字也楚昭王時佯狂不仕時人謂之楚狂

長沮

桀溺



皆楚人隱士黃成山卽其耕處下有東流子  
路問津處

大師摯

亞飯干

三飯繚

四飯缺

鼓方叔

播鼗武

少師陽

擊磬襄



皆魯樂師孔子學琴於師襄

孟莊子

名速獻子蔑子也魯大夫

陽膚

武城人曾子弟子七人中一人

公孫朝

衛大夫

叔孫武叔

名州仇魯大夫成子之子也





御定孟子人物類聚

梁惠王

柔質慈民曰惠

名縈武侯子擊之子也其先周文王庶子都大梁僭稱王以厚幣招賢者孟子至梁鄒衍淳于髡亦至

襄王

國事有功曰襄又曰辟土有德曰襄

名赫惠王之子○孟子去之齊

齊宣王

善問周達曰宣

名辟疆威王因齊之子也其先陳厲公佗之子○立無鹽爲后○王問淳于髡曰先生論



寡人何好髡曰古者所好四而王之所好三  
焉王曰古者所好何如寡人所好髡曰古者  
好馬王亦好馬古者好味王亦好味古者好  
色王亦好色古者好士王獨不好士王曰國  
無士耳髡曰古者有驂騮騏驥今無有王選  
于衆王好馬矣古者有豹象之胎今無有王  
選于衆王好味矣古者有毛嬙西施今無有  
王選于衆王好色矣王必將堯舜禹湯之士  
而後好之則禹湯之士亦不好王王默然無  
以應○孟子至而不能用○命以羊易牛○

見孟子雪宮○問毀明堂

胡齧

齊臣也語宣王舍牛事於孟子

莊暴

齊臣也語宣王好樂事於孟子

鄒穆公

中情見貌曰穆

曹姓名子爵顓頊玄孫陸終第五子安之後  
○穆公有令食鳧鴈必以粃無得以粟於是  
君無粃而求易於民二石粟而得一石粃吏  
以爲費請以粟食之公曰是非汝所知也夫



百姓飽牛而耕暴背而耘勤以不敢惰者豈  
爲禽獸哉粟米人之上食奈何易以養鳥爾  
知小計不知大會

滕文公

慈惠愛  
民曰文

姬姓定公子也文王第十四子叔繡之後武  
王封于滕○過宋而見孟子聞性善堯舜之  
道使然友問於孟子五月居廬弔者大悅○  
舉井田與之處許行之徒數十人陳良之徒  
陳相兄弟○問事齊事楚○恐於齊人築薛

魯平公

布剛治  
己曰平

名叔景公子也○用樂正子爲政將見孟子  
乘輿已駕臧倉沮而不見

### 臧倉

魯平公嬖臣也以前喪踰於後喪之語沮平  
公不見孟子

### 樂正子

樂正姓名克孟子弟子也○先世曾作樂官  
子孫遂以爲姓事魯平公任國政○從王驩  
而遊王驩子殷也至日久而來見孟子孟子見而  
責之



公孫丑

公孫姓名丑

丑音秋

孟子弟子○問孟子以管

晏之功與動心不動心○子誠齊人

東郭氏

姓姜齊桓公之後齊大夫也○孟子將朝王  
托疾而召孟子孟子亦稱以疾明日吊於東  
郭氏

孟仲子

姓孟名罾孟子之從昆弟也○孟氏譜云仲  
子孟子之子也三遷志孟子娶田氏生子名

仲子

景丑氏

齊大夫家也孟子吊東郭氏不得已而之景丑氏宿焉

陳臻

孟子弟子也

孔距心

平陸大夫也

平陸邑名

孟子謂齊王曰王之臣知

其罪者惟孔距心

蚺鼃



齊大夫也辭靈邱

代郡名

而請士師

治獄之官

諫王

而王不聽致爲臣而去

公都子

孟子弟子也齊人以蜚鼃之去而有譏孟子之不能去者公都子聞而告之○又以外人皆稱夫子好辯問孟子

王驩

蓋大夫也齊王嬖臣孟子吊滕王使驩爲輔行孟子反齊滕之路而不言行事

充虞

孟子弟子也孟子有喪虞董治作棺之事

沈同

齊臣問孟子以伐燕事

陳賈

齊大夫以周公使管叔監殷之說沮齊王改過之心孟子深責之

時子

齊臣也孟子去齊齊王使時子語孟子以中國授室養弟子以萬鍾之說

尹士



齊人也以孟子三宿濡滯之說語高子及聞孟子之答而自服其爲小人也

高子

齊人孟子弟子也以告子三宿濡滯之說告

孟子

許行

姓許名行爲神農之言○聞文公行仁政自楚至滕踵門而告願受一廛爲氓其徒數十人衣褐捆屨織席以爲食

陳相

楚之儒者陳良之徒與其弟辛負耒耜自宋  
至滕曰願爲聖人氓○見許行而大悅棄其  
學而學焉○見孟子以許行之言告之曰滕  
君則賢也未聞道也賢者與民并耕饗殮爲  
治滕有倉廩府庫是厲民自養也孟子以用  
夏變夷自喬入谷之語嚴責之

夷之

姓夷名之○爲墨之道者○因徐辟求見孟  
子孟子托疾不見他日又求見孟子孟子以  
赤子入井之諭天之生物之本使徐辟言之



以攻其所學之蔽

徐辟

孟子弟子以墨子求見之意告於孟子

陳代

孟子弟子以枉尺直尋之語語孟子孟子以

虞人王良事辯之

虞人守苑囿之吏也○昔齊景公田招虞人以旌不

至者取非其招不往也如不待其招而往何哉○大夫以旌士以旂庶人以旃虞人以皮

冠而招

景春

爲縱橫之說者○以公孫衍張儀爲大丈夫

周霄

魏人問孟子以君子之道當仕

彭更

孟子弟子以孟子徒衆多而傳食於諸侯之  
國爲泰

戴不勝

宋臣也以薛居州爲善人使居宋王左右孟  
子以爲一薛居州獨如宋王何

戴盈之

宋大夫也井田什一關市去征請輕之以待



來年

匡章

齊人以陳仲子爲廉士而稱於孟子○秦攻齊威王使章爲將以應之秦間者言章叛於威王者王不應章竟敗秦軍宣王又令章將五都兵伐燕又大勝

淳于髡

齊之辯士也以嫂溺手援之語譏孟子不援天下○爲人長不滿七尺贅於齊滑稽多辯○齊威王好爲淫樂長夜飲國且危亡左右

莫諫髡諷之曰國中有大鳥止王之庭三年  
不蜚又不鳴王知此鳥何也王曰此鳥不蜚  
則已一飛冲天不鳴則已鳴則驚人於是乃  
朝諸縣令長七十二人賞一人即墨大夫誅一人  
夫阿大奮兵而出諸侯驚皆還侵地○楚侵齊  
齊王使髡請救於趙貴金百斤車馬十駟髡  
仰天大笑○王賜酒問曰能飲幾何髡曰一  
斗亦醉一石亦醉

萬章

問孟子舜之事



咸丘蒙

問孟子舜之事

子敖

驪卽王

與樂正子遊於齊

徐辟

問孟子仲尼稱水之事

公明儀

告孟子羿若無罪焉

公行子

齊大夫也有子之喪右師及孟子往吊焉

公都子

以世俗稱匡章不孝之言告孟子孟子以匡章非不孝解之

儲子

以王使人問夫子乃問孟子異於人孟子以堯舜亦與人同之言答之

北宮錡

問孟子周之班祿之事

告子

子夏弟子昔卿之師

名不害

與孟子言性



孟季子

朱子之言曰疑孟仲子之弟公都子與孟季子問答

屋廬子

名連晉賢人孟子弟子

曹交

曹君之弟身長九尺四寸食粟而已

宋牼

一名鉏齊宣王時人以說秦楚罷兵

季任



任君之弟也

慎子

魯臣名到以彭蒙田駢爲友學於墨子弟子

禽滑釐

孟子朱子註滑釐慎子名也人物考爲滑釐墨子弟子未知孰是

白圭

周人名丹或作魏人

宋句踐

姓宋名句踐遊說之客也

王子摯

摯名也齊王之子也



桃應

萬姓統譜云桃望也

浩生不害

姓浩生名不害齊人也



